

30 января.

**Преподобный Антоний Великий
Бденная Утреня (приходская)**

«Бог Господь»

Тропарь прп. Евфимия Великого, иеромонаха, глас 4

Веселіся, пустыня нераждающая,/ благодүшствуй, небо-
лящая,/ яко умножи тебе чада муж желаний духовных,/
благочестием насадив,/ воздержанием воспитав добро-
детелей в совершенство./ Того молитвами, Христе Боже, //
умири живот наш. **(Дважды)**

Слава Отцу, и Сыну, и Святому Духу, и ныне, и присно, и во
веки веков. Аминь.

Еже от века утаенное / и Ангелом несведомое таинство, / То-
бою, Богородице, сущим на земли явися Бог, / в неслитном
соединении воплощаем, / и, Крест волею нас ради воспри-
им, / имже воскресив первозданного, // спасе от смерти
души наша.

Величание

Лик: Ублажаем тя, / преподобне отче Евфимие, / и чтим свя-
тую память твою, / наставниче монахов // и собеседниче Ан-
гелов.

Стих: Терпя, потерпех Господа, и внят ми, и услыша молитву мою.

Стих: Постави на камени нозе мой и исправи стопы моя. **Величание.**

Стих: Се удалихся, бегая, и водворихся в пустыни. **Величание.**

Стих: Уподобихся неясоти пустынной. **Величание.**

Лик: Слава Отцу и Сыну и Святому Духу и ныне и присно и во веки веков, аминь. Аллилуия, аллилуия, аллилуия, слава Тебе, Боже. **(Дважды)**

Чтение Евангелия

Диакон: Вонмем. Премудрость. Вонмем.

Прокимен прп. Евфимия Великого, иеромонаха

Диакон: Прокимен, глас 4: Честна пред Господем / смерть преподобных Его.

Лик: Глас 4: Честна пред Господем / смерть преподобных Его.

Диакон: Стих: Что воздам Господеву о всех, яже воздаде ми.

Лик: Честна пред Господем / смерть преподобных Его.

Диакон: Честна пред Господем

Лик: смерть преподобных Его.

Диакон: Господу помолимся.

Лик: Господи, помилуй.

Молитва перед чтением Евангелия

Священник: Яко свят еси, Боже наш, и во святых почиаеши, и Тебе славу возсылаем. Отцу и Сыну и Святому Духу, ныне и присно и во веки веков.

Лик: Аминь.

Диакон: Всякое дыхание / да хвалит Господа.

Лик: Всякое дыхание/ да хвалит Господа.

Диакон: Хвалите Бога во святых Его, хвалите Его в утвержении силы Его.

Лик: Всякое дыхание/ да хвалит Господа.

Диакон: Всякое дыхание

Лик: да хвалит Господа.

Диакон: И о сподобитися нам слышанию святого Евангелия Господа Бога молим.

Лик: Гóсподи, помíлуй (*трижды*).

Диакон: Премудрость, прóсти! Услышим святáго Евáнгелия.

Священник: Мир всем.

Лик: И дýхови твоeмý.

Диакон: От Матфея святáго Евáнгелия чтéние.

Лик: Слáва Тебé, Гóсподи, слáва Тебé.

Священник: Вóнмем.

Евангелие от Матфея, зачало 43. Четверток 4-я недели. (Мф.11:27-30)

Речé Госпóдь Своím ученикóм: вся Мне преданá суть Отцém Моím, и никтóже знáет Сына, тóкмо Отéц, ни Отцá кто знáет, тóкмо Сын, и емýже áще вóлит Сын открýти. Приидíte ко Мне вси труждáющиися и обременéнии, и Аз упокóю вы. Возмíte ýго Моé на себé, и научíteся от Менé, ýко крóток есмь и смирén сёрдцем, и обрящете покóй душáм вáшим. Ýго бо Моé блáго, и брéмя Моé легкó есть.

Лик: Слáва Тебé, Гóсподи, слáва Тебé.

Стихиры по 50 псалме

Лик: Глас 6: Слáва Отцý, и Сыну, и Святóму Дýху.

Молíтвами преподобного Евфимия, / Мíлостиве, очíсти // мнóжества согрешéний нáших.

Лик: И нýне, и прíсно, и во вéки векóв. Амíнь.

Молíтвами Богорóдицы, / Мíлостиве, очíсти // мнóжества согрешéний нáших.

Таже, глас 6: Помíлуй мя, Бóже, / по велицей мíлости Твоéй / и по мнóжеству щедрóт Твои́х // очíсти беззакóние моé.

Глас 6: Преподóбне óтче, / во всю зéмлю изы́де вещáние исправлéний твои́х, / тем на Небесéх обрél есí мзду трудóв

твоих,/ дѣмонския погубил еси полки/ и Ангельския достигл
еси чины,/ ихже житію непорочно поревновал еси,/ дерзнове-
ніе имѣя ко Христу Богу,// мир испроси душам нашим.

Диакон: Спаси, Боже, люди Твоя....

Канон

Песнь 1

Канон молебный Пресвятей Богородице. Глас 8.

Ирмос, глас 8: Воду прошѣд яко сушу,/ и египетскаго зла избежав,/ израильтянин вопіяше:// Избавителю и Богу нашему поим.

Сретенская катавасия. Глас 3.

Ирмос, глас 3: Сушу глубородительную зѣмлю/ солнце нашествова иногда:/ яко стена бо, огустѣ обаполы вода/ людем пешемореходящим и Богоугодно поющим:// поим Господеви, славно бо прославися.

Песнь 3

Канон молебный Пресвятей Богородице. Глас 8..

Ирмос, глас 8: Небѣснаго круга Верхотворче Господи,/ и Церкви Зиждителю,/ Ты мене утверди в любви Твоей,/ желаний краю, верных утверждение,// Едине Человеколюбче.

Сретенская катавасия. Глас 3.

Ирмос, глас 3: Утверждение на Тя надеющихся,/ утверди, Господи, Церковь,/ юже стяжал еси// Честною Твоею Кровию.

Песнь 4

Канон молебный Пресвятей Богородице. Глас 8..

Ирмос, глас 8: Услышах, Господи,/ смотрения Твоего таинства:/ разумех дела Твоя,// и прославих Твое Божество.

Сретенская катавасия. Глас 3.

Ирмос, глас 3: Покрыла есть Небеса добродетель Твоя, Христе:/ из Кивота бо прошед святыни, Твоея Нетленной Матере,/ в храме Славы Твоея явился еси,/ яко Младенец руконосимь,// и исполнишася вся Твоего хваления.

Песнь 5

Канон молебный Пресвятей Богородице. Глас 8..

Ирмос, глас 8: Просвети нас повелении Твоими, Господи,/ и мущею Твоею высокою// Твой мир подаждь нам, Человеколюбче.

Сретенская катавасия. Глас 3.

Ирмос, глас 3: Яко виде Исаия образно/ на Престоле превознесена Бога,/ от Ангел Славы дориносима,/ о, окаянный, – вопиаше, – аз!/ провидех бо воплощаема Бога,/ Света Невечерня,// и миром владычествующа.

Песнь 6

Канон молебный Пресвятей Богородице. Глас 8..

Ирмос, глас 8: Молитву пролию ко Господу,/ и Тому возвещу печали моя,/ яко зол душа моя исполнися,/ и живот мой аду приближися,/ и молюся яко Иона:// от тли, Боже, возведи мя.

Сретенская катавасия. Глас 3.

Ирмос, глас 3: Возопи́ к Тебе́, ви́дев ста́рец очима́ спа-
се́ние,/ е́же лю́дем при́де от Бо́га:// Христе́, Ты – Бог мой.

Песнь 7

Канон молебный Пресвятей Богородице. Глас 8..

Ирмос, глас 8: От Иуде́и доше́дше о́троцы/ в Вавило́не ино-
гда́,/ ве́рою Тро́ическою пла́мень пе́щный попра́ша,
пою́ще:// отце́в Бо́же, благослове́н еси́.

Сретенская катавасия. Глас 3.

Ирмос, глас 3: Тебе́, во огни́ ороси́вшего/ о́троки Бого-
сло́вившия/ и в Де́ву нетле́нну все́льшагося,/ Бо́га Сло́ва
пои́м, благоче́стно пою́ще:// благослове́н Бог оте́ц на́ших.

Песнь 8

Канон молебный Пресвятей Богородице. Глас 8..

Ирмос, глас 8: Царя́ Небе́снаго,/ Егóже пою́т во́и а́н-
гельсти́и,// хвалите́ и превозносите́ во вся́ ве́ки.

Сретенская катавасия. Глас 3.

Ирмос, глас 3: Нестерпи́мому огню́ соедини́вшеся,/ Бого-
че́стия предсто́яще, ю́ноши,/ пла́менем же неврежде́ни, Бо-
же́ственную песнь по́яху:/ благослови́те, вся дела́ Господ-
ня, Го́спода// и превозносите́ во вся́ ве́ки.

Песнь 9

Канон молебный Пресвятей Богородице. Глас 8..

Ирмос, глас 8: Воистинну Богородицу/ Тя исповедуем/ спасеннии Тобою, Дево Чистая, // с безплотными лики Тя величающе.

Сретенская катавасия. Глас 3.

Ирмос, глас 3: В законе сени и писаний/ образ видим, вернии:/ всяк мужеский пол, ложесна разверзая,/ свят Богу./ Тем Первороденное Слово/ Отца Безначальна,/ Сына, первородящая Материю неискусомужно, // величаем.

Стихиры на хвалитех

Канонарх: Глас 8, Всякое дыхание да хвалит Господа.

Всякое дыхание да хвалит Господа./ Хвалите Господа с Небес,/ хвалите Его в вышних. // Тебе подобает песнь Богу.

Хвалите Его, вси Ангели Его,/ хвалите Его, вся Силы Его. // Тебе подобает песнь Богу.

прп. Евфимия Великого, иеромонаха на 4, глас 8

Стих: На 4: Хвалите Его на силах Его, /

хвалите Его по множеству величества Его.

Преподобне отче Евфимие,/ оставив яже на земли, Христу последовал еси,/ не предпочеи, славне, тленных паче будущих./ В пустыни, якоже во граде, живый,/ демонския полки погубил еси./ О, кто возмогл бы изрещи, приснославне, // твоея души воистинну теплоту, яже ко Господу?

Стих: Хвалите Его во гласе трубнем, /

хвалите Его во псалтыри и гуслах.

Преподобне отче Евфимие,/ оставив яже на земли,/ Христу последовал еси,/ не предпочёт, славне, тленных паче будущих./ В пустыни, якоже во граде, живый,/ демонския полки погубил еси./ О, кто возмогл бы изрещи, приснославне, // твоея души воистинну теплоту, яже ко Господу?

Стих: Хвалите Его в тимпанах и лице, /

хвалите Его во струнах и органе.

Преподобне отче Евфимие,/ ты показался еси правило монашествующих и похвало,/ православных услаждение и светлый вселенная светильник,/ лестнаго бо врага не ужаслся еси страхований, в пещере живый./ О, дарования, сущаго в тебе, блаженне!!! Имже яве всяку попрал еси демонов бровь.

Стих: Хвалите Его в кимвалах dobroglasnykh, хвалите Его в кимвалах восклицания. /

Всякое дыхание да хвалит Господа.

Преподобне отче Евфимие,/ ты воистинну к Богу душу вперил еси,/ и пощением, святе, чувства очисти,/ и непрестанными молитвами, всеблаженне,/ безсмертная жизни сподобился еси./ О удобрение постников преславно!!! Ты бо Христос, радуясь, прият в невещественные обители.

Слава, глас 8:

Слава Отцу, и Сыну, и Святому Духу.

Монахов множества,/ наставника тя почитаем, отче наш Ев-
фимие,/ твоёю бо стезёю войстинну право ходити позна-
хом./ Блажен еси, Христу работав,/ и вражию обличил еси
силу,/ Ангелов собесѣднице, преподобных сопричастнице и
праведных,/ с нимиже молися Господеви// помиловатися
душам нашим.

И ныне, глас 8:

И ныне, и присно, и во веки веков. Аминь.

Владычице, прими молитвы раб Твоих / и избави нас // от
всякия нужды и печали.

Тропари в конец Утрени

Тропарь прп. Антония Великого, глас 4

Веселися, пустыня нераждающая,/ благодущствуй, небо-
лящая,/ яко умножи тебе чада муж желаний духовных,/
благочестием насадив,/ воздержанием воспитав добро-
детелей в совершенство./ Того молитвами, Христе Боже, //
умири живот наш.

Слава Отцу, и Сыну, и Святому Духу, и ныне, и присно, и во
веки веков. Аминь.

Еже от века утаенное / и Ангелом несведомое таинство, / То-
бою, Богородице, сущим на земли явися Бог, / в неслитном
соединении воплощаем, / и, Крест волею нас ради воспри-
им, / имже воскресив первозданного, // спасе от смерти
души наша.

1-й час

Тропарь прп. Евфимия Великого, иеромонаха, глас 4

Веселіся, пустыня нераждающая,/ благодүшствуй, неболящая,/ яко умножи тебе чада муж желаний духовных,/ благочестием насадив,/ воздержанием воспитав добродетелей в совершенство./ Того молитвами, Христэ Божэ,/ умири живот наш.

Кондак прп. Евфимия Великого, иеромонаха, глас 8

В честнем рождестве твоём радость тварь обрете/ и в Божественней памяти твоей, преподобне,/ благодүшие прият многих твоих чудес,/ от нихже подаждь богато в души наша и очисти грехов скверны,/ яко да поём: аллилуия.